

**«ԱԼՖԱՍԵ-ԸՅՈՒՐԻԹԻՉ»**

**Սահմանափակ Պատասխանատվությամբ Ընկերության**

**2023թ. տարեկան ֆինանսական վերլուծություն**

2023 թ. Ընկերության ռազմավարությունը նպատակաուղղված է եղել այնպիսի միջնաժամկետ նպատակների իրականացմանը, ինչպիսիք են Ընկերության ֆինանսական ցուցանիշների կայունության ապահովումը, ներդրումային շուկայում գործունեություն իրականացնող ընկերությունների շարքում մրցունակ լինելը, Ընկերության ընդհանուր կապիտալի նվազագույն չափի և Ն1 տնտեսական նորմատիվի ապահովումը, հաճախորդների կայուն սեզմենտի ապահովումը:

Ընկերության պորտֆելում առկա միջնաժամկետ և երկարաժամկետ պարտատոմսերի մինչև մարում եկամտաբերության կորը վերջին տարիների ընթացքում ունեցել է նվազման տենդենց, իսկ մինչև 2023թ. հունիս ամիսը վերաֆինանսավորման տոկոսադրույքի բարձրացմանը զուգահեռ ֆինանսական շուկայում գրանցվել է պետական պարտատոմսերի եկամտաբերության կորի բարձրացում, ինչն ուղղակիորեն ազդել է Ընկերության շահույթի վրա:

Ընկերությանը կանոնադրական կապիտալը 2023թ. ընթացքում մնացել է անփոփոխ և 2023թ.-ի դեկտեմբերի 31-ի դրությամբ կազմել է 350.0 մլն դրամ: Քանի որ Ընկերությունն ունեցել է վնաս, ապա հատկացում գլխավոր պահուստին չի կատարվել և այն մնացել է անփոփոխ՝ կազմելով 37.5 մլն դրամ:

2023թ.-ի դեկտեմբերի 31-ի դրությամբ Ընկերության ընդհանուր ակտիվները կազմել են 7.3 մլրդ դրամ, ապահովելով կանխատեսված ցուցանիշը 86%-ով, քանի որ հաճախորդների ծավալը նվազել է: Ընկերությունը 2022թ-ին ներգրավել է հաճախորդների միջոցները՝ նրանց հետ կնքելով փոխառության պայմանագրեր:

2023 թվականի գործունեության ընթացքում ընդհանուր կապիտալի, ընդհանուր պարտավորությունների և ընդհանուր ակտիվների տարրերի կառուցվածքային փոփոխություններ չեն կատարվել: Ընդհանուր կապիտալի և ընդհանուր պարտավորությունների հարաբերակցության մակարդակը 2023 թվականի ընթացքում կազմել է 10%, իսկ ընդհանուր կապիտալի և ընդհանուր ակտիվների հարաբերակցության մակարդակը՝ 9%:

Իր գործունեությունն ապահովելու նպատակով Ընկերությունը օգտագործում է կանոնադրական կապիտալը և գործընկեր << բանկերից ներգրավված փոխառու միջոցները:

Հարկ է նշել, որ որոշ բանկերի կողմից տրամադրվող ռեպո համաձայնագրերի ապահովման միջոց հանդիսացող պետական պարտատոմսերի գնահատման պայմանները ժամանակ առ ժամանակ վերանայվում են, ինչը պայմանավորված է բանկերի կողմից ստեղծված պայմաններում սեփական ռիսկերի կառավարման անհրաժեշտությամբ:

Ընկերության եկամուտների կառուցվածքի մեջ զգալի մաս են կազմում ՀՀ պետական արժեթղթերից ստացված տոկոսային եկամուտները: Ընկերության պետական պարտատոմսերի պորտֆելի 56%-ը դասակարգվել է որպես ամորտիզացված արժեքով չափվող ֆինանսական ակտիվներ, իսկ 44%-ը՝ այլ համապարփակ ֆինանսական արդյունքի միջոցով իրական արժեքով չափվող ակտիվներ: Ընկերության ՀՀ պետական պարտատոմսերի պորտֆելի այս կառուցվածքը թույլ է տալիս ունենալ կայուն եկամուտ և գերծ մնալ շուկայական տոկոսադրույքների հնարավոր տատանումներից առաջացած վնասից:

ՀՀ-ում իրականացվող մակրոտնտեսական քաղաքականության մասով առավել ակտիվ է ԿԲ քաղաքականությունը, որն առավելապես թիրախավորում է գնաճի զսպումը, իսկ դրամի կապիտալի ներհոսքի բացասական ազդեցությունների չեզոքացման ուղղությամբ նշանակալի քայլեր չեն ձեռնարկվում, քանի որ վերջինս «օգնում է» գնաճի զսպման նպատակին հասնելուն: Տարեսկզբից մինչև 2023թ.-ի հունիս ԿԲ դրամավարկային քաղաքականության տոկոսարդույթը թողել է անփոփոխ՝ պահպանելով համեմատաբար խիստ դրամավարկային պայմանները: Նման պայմանները բարդացնում են Ընկերության կողմից գործարար ծրագրով կանխատեսված ցուցանիշների ապահովումը, քանի որ վերջիններս հիմնված են արտաքին միջավայրից ազդեցությունների միտումների և դրանց նկատմամբ ՀՀ Կենտրոնական բանկի կողմից կանխատեսվող զսպող քաղաքականության կանխատեսումների վրա:

Այսպիսով, 2023թ.-ի ֆինանսական շուկայում ստեղծված իրավիճակում Ընկերությունն արդյունավետ կերպով կատարել է իր առջև դրած նպատակները և պահպանել համեմատական կայունություն ժամանակաշրջանի համար:

2023 թվականի տարեսկզբին Ընկերությունը շարունակել է համագործակցել ֆիզիկական անձ ներդրողների հետ, որոնց հետ իրականացվել են ՀՀ պետական պարտատոմսերի առուվաճառքի և հակադարձ ռեպո գործարքներ:

Ամփոփելով Ընկերության հաշվետու տարվա գործունեության արդյունքները՝ կարող ենք արձանագրել, որ Ընկերության գործարար ծրագրով նախատեսված ցուցանիշներից շեղումները հիմնականում պայմանավորված են տարվա ընթացքում Կենտրոնական բանկի կողմից սահմանված վերաֆինանսավորման տոկոսադրույքի կտրուկ աճով, ինչը կարծում ենք ՀՀ-ում ձևավորված սպասվածից բարձր գնաճի հետևանք է:

Գործադիր տնօրեն



Գ. Գրիգորյան